

La doturia Margarete Mahlknecht é demez dai 18 ai 20 de dezèmbër y vëgn sostituida dal dotur Eduard Agreiter 0474 523 315 - 333 13 80 852

PLOANIES DA SAN MARTIN Y LUNGIARÜ

En chëst' edema: incuntada cun i geniturs di mituns che vá ala pröma comuniun: a San Martin en dedolönesc dales 20.15 y a Lungiarü en jöbia dales 18.00.

Invit ala ora de oraziuns y cianties de Taizé sö Oies en vëndres ai 15 de dezèmbër dales 20.00.

Le KVV inviëia vëdui y vëdues y porsones sores en sabeda, ai 16 de dezèmbër, dales 14.00, tla mensa dl KVV a Bornech a na bela festa da Nadè. Prenotesse præibel pro la representanta dl KVV de osc paisc cina ai 14 de dezèmbër.

SAN MARTIN

Te chisc dis de preparaziun a Nadé é döta la comunité dër bel inviada da gní a tó pert ales funziuns de dlijia. Al é n tēmp de grazia che nes vëgn scinché. Piun pö do!

Lita dl consëi dla Uniun dles Ères por i proscimi 4 agn. Dötes les ères de nosc paisc é dër bel inviadès da tó pert ala lita dl consëi nü y da dé jö la zetola dla lita cina incö, domënia, 10 de dezèmbër, tla lada apé de dlijia.

LUNGIARÜ

Ai 13 de dezèmbër festejëia la Dlijia la martira Santa Lizia. Ara é nasciüda l'ann 281 do G.C. y é morta l'ann 310. Súa fossa é gnüda ciáfada sö a Siracusa; sù osc é gnüs condüc a Aunejia. Do che Lizia â dé jö l'u de ti mantigní a Gejú Crist súa verginité, ti ára desdit a so chertian y cun súa arpejun ára fondé na staziun por i püri y i amarà. Por súa vita cristiana éra gnüda dada dant al'autorité pagana che á comané so martíre. I orun la perié tambëgn do la löm di edli co do la conescënza de chi valurs che nes condüj ala gloria dl cil.

En Santa Lizia do mëssa vëgnel benedí te calonia y metü fora les cripeles gnüdes fates tl curs dla Uniun di Seniors. Ares é dailó da odëi cina les 17.00.

Le Cor de Dlijia præia dër bel chi che á val' da dé jö por le marcé de Santa Lizia, da le dé jö cina en mertesc ai 12 de dezèmbër, tl local dl stödafüch dales 14.00 ales 17.00, o da ti al dé a un di ciantadus. Le marcé é davert en Santa Lizia danmisdé.

La Uniun dl Sport da Lungiarü organisëia n curs da jí cun la liösa por mituns tratan les vacanzes da Nadé. Al é ince la poscibilité da s'impresté la liösa y i cialzá da arferé. Info y iscriziuns pro Matteo 339 20 89 342 cina ai 20 de dezèmbër.

La Scora de Musiga tēgn n "concert da Nadé" le lönesc ai 18 de dezèmbër dales 18.00 tla dlijia d'Al Plan. Al cianta y sona les scolares y i scholars dla Scora de Musiga dla Val Badia. Düc é dër bel invia da gní a ascuté sö les beles medodies y cianties che vëgn portades dant.

Le Consëi de Formaziun dl Comun da Badia y le Sorvisc ai Jogn Val Badia, mët a jí dui dis de formaziun cun le technich Benni Valentin sura ci ch'al ô ester por mëte sö na band. Le workshop vëgn tigní tl Zënter dla Jonëza y dla Cultura SaJ.un a La Ila, le vëndres y la sabeda, 29 y 30 de dezèmbër. La partezipaziun é debann. Info y prenotaziuns pro valentin@jogn.org cina en vëndres, 23/12. Davert a düc i interesciá ala musiga, a chi che fej o oress fá pert de n grup y a musizisc singui! P.S. I partezipanc méss savëi da soné n strumënt!!



www.unitepastorala.org

Plata dles Ploanies San Martin y Lungiarü

siur Iaco Ploner 3334832765/0474453003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

10.12.17 – 17.12.17 nr. 2

termo da publiché: jöbia 20.00
radio: 90,40 / 93,70



2^a DOMÈNIA D'ADVÈNT – Ann B

Vangele: Merch 1,1-8

Sciöch'al sta scrit pro le profet Isaia:

I te mēni mi anunziadù danfora;

al dess te dauri le tru.

Na usc scraia tl desert:

Arjignedi al Signur le tru!

Avaliedi les strades!

Insciö ê lovè sö Jan Batista tl desert

y pordicâ la converjiun

y le bato por le pordonn di picia.

Al incundâ: Do mē nen vëgnel un che é plü gaiert co iö;

iö ne sun nia dëgn de me cufé por ti desciolè i cialzá.

Iö ves à batié cun ega, mo èl ves batiarà cun Spirit Sant.

Sce Jan Batista stess inzai dlungia la Gran Ega a pordiché y inviass la jënt da se lascé batié por la pordenanza de sü picia, nen fossel dessigü incö cotanc demanco co laota che ti jiss pormez.

Tanc n'él pa al dedaincö che á ciámó sentimënc de colpa?

I ne savess nia. ch'i ess fat de gragn picia y ch'i messess perié pordenanza.

Ciodí dessi pa me sintí de colpa?

Mo sc'i me damani plü sot:

Ti vái adincuntra ala jënt, o aspeti che èi vëgnes da me? Tan de tēmp ti scinchi pa a chi che m'adorass? Tanc n'incunti pa cun antipatia, cun desfidënza y cun calcolaziun? Y tanc n'ai pa magari ofenü?

Tanc n'él pa, a chi ch'i ne ti la pordon nia? Tan gonot ái pa baié de mal?

Sunsi pordért reconescënt de mia vita?

Sunsi ma jü da Chël Bel Dî a le perié do val' o ince a ti dí dlan?

M'ai datrai tut dlaurela da baié cun èl?

Y plü inant ch'i damani, ne n'ai propi degügn sentimënc de colpa

o essi debojëgn da ciáfé na buna parora de pordenanza, de comprenjiun y de incorajamënt da jí inant y da fá damí?



10.12.17 2^a DOMËNIA D'ADVËNT – ann B	9.00 Corona 9.30 Gran Mëssa Rorate dla Uniun Èi y dla Uniun Sport familia Bino Verginer	7.55 Corona 8.15 Gran Mëssa Rorate dla Uniun dl KVV dl ann + Anni Schanung	 1. Inns y cianties inalzunse sò a te, oh Santa Lizia, stëra lominosa y bela tö confort de nosta fede. <i>R: Oh Santa Lizia, nosta patrona, jona fedela, jona acorta, prëia por nos, oh prëia por nos.</i> 2. Dediché tüa vita aste al Signur, tüa gran speranza, tres tigní pro èl te aste ligra te süa vijinanza. <i>R</i> 3. Orentida da i plajëi ofrí t'aste dōta canta, dōt to cōr y tüa ciantia, tüa jonëza y to avëi. <i>R</i> 4. De Gejú gran testemona tl perié y te to vire, jüda incuntra zënza pora, don tüa vita tl martire. <i>R</i> 5. Santa, ciara de nüscedli ch'i oduns' i bëgns dla tera y podunse, jogn y vedli, amiré la lōm eterna. <i>R</i> 6. Dan alté unis da festa pro le pan y la parora te laldunse en bela iesta nücia al cil pro past da noza. <i>R</i> ----- Intenziun dl Papa por dezëmber: <i>Che la jënt plü vedla ais la poscibilité tles families y tles comunités da porté pro cun so savëi y süa esperiënza ala difujiun dla fede y ala formaziun dles generaziuns nöies.</i>
11.12.17 Lönesc <i>Damasus, Tassilo</i>	20.00 Cërtil dla Bibla tla calonia da San Martin	20.00 Cërtil dla Bibla tla calonia da San Martin	
12.12.17 Dedolönesc <i>Santa Maria da Guadalupe</i> <i>Hartmann da Porsenú</i>	19.30 Rorate tla Ciasa de Palsa + + siur Angel Morlang y siur Merch Graffonara 20.15 Incuntada cun i geniturs di comunicanc te calonia		
13.12.17 Dedemesaledema <i>Santa Lizia</i>		Festa de S. Lizia – patrona dla dlijia 9.00 Mëssa solëna + siur Heinrich Videsott Benediscium dles cripeles te calonia	
14.12.17 Jöbia <i>Jan dla Crusc, Franzisca</i>	7.30 Rorate families de Paul Sorá + dl ann + Bino Pedevilla + + Loise y Sciandro Dasser, Alfur Corona por vocaziuns	18.00 Incuntada cun i geniturs di comunicanc te calonia	
15.12.17 Vëndres <i>Cristiana, Nina</i>	19.30 Rorate families de Albert Moling families de Maria Sorá, La Flu	7.30 Rorate families de Giovanni Chiusura families de Nazio y Loise Clara	
16.12.17 Sabeda <i>Adelheid, Ado, Albina</i>	15.30 Mëssa tla Ciasa de Palsa 18.30 Rorate por i Iagri y la Uniun Guant da Zacan familia de Hubert Planatscher dl ann + Doro Verginer	20.00 Rorate Uniun Vëdues, vëdúi y porsones sores familia de Monica Costa	
10.12.17 3^a DOMËNIA D'ADVËNT – ann B “Gaudete”	9.00 Corona 9.30 Gran Mëssa	7.55 Corona 8.15 Gran Mëssa	